



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Christiana Et Docta Divi Alchimi Aviti Viennensis
Archiepiscopi, & Claudij Marij Victoris Oratoris
Massilie[n]sis, poëmata, aliaq[ue] non poenitenda**

**Avitus, Alcimus Ecdicius
Marius Victor, Claudius**

Lvgdvni, 1536

Capvt IX.

urn:nbn:de:hbz:466:1-12149

Sola subacta iugo non æquam ducere sortem.
 Et quum longa decem complent fastidia menses
 Perfectoq; grauis foetu distenditur aluus:
 Semina quæ patris fuerant, hæc pondera matri
 Infigunt duros vtero turgente dolores.

CAPVT IX.

ET quum luctato soluuntur viscera partu
 Carnis delitias immenso tormine pendit.
 Sed tamen hunc lenit dices fortasse dolorem
 Editus in lucem si viuat filius; atqui
 Contingit plerumq; gemens vt mortua fundat
 Pignora, deformem'ue emittat in aëra massam.
 Ne dicā quod monstra parit sepe horrida mater.
 Illud iam leuius quoties interuenit, ipsa
 Vt pereat tum sola parens, ac pondere fuso
 Emittat cum prole animam: quod forte leuatum
 Nutritumq; diu rapitur si funere pignus
 Vnica quod crebro spes respicit, hic perit omne
 Quod sibi conceptis spondebant gaudia curis;
 Omnibus id vero grauius si forte lauari
 Diuini expertem tenerum mors inuida natum
 Præripiat, dura generatum sorte gehennæ:
 Qui mox vt matris cessarit filius esse
 Perditionis

Perditionis erit: tristes tunc edita nolunt
 Quæ flammis tantū genuerunt pignora matres.
 Quis vero tanti narrare pericula casus,
 Aut vtriusq; queat discrimina coniugis, in quæ
 Perducit tandem dilectæ gloria carnis?

CAPVT X.

AT late longeq; tuam discernere fortem
 Libertas cū lege potest, qua nec teris, vt te
 Impia fallentis non stringant gaudia mundi,
 Tu Mariam sequeris dono cui contigit alto
 Virginis & matris gemina gaudere corona,
 Conciperet quum carne Deum, coeliq; creator
 Intraret clausum referans mysteria ventrem,
 A genitrice satus: sed quam formauerat ante:
 Qui nitidam elegit de qua procederet aluum,
 Solus qui carnis proprium disponderet ortum
 Præsciretq; diem longe, tempusq; videret,
 Quo pariendus erat: quod vbi iãq; adfore nouit,
 Intactam matrē pro spermate sanctus adumbrat
 Spiritus, hac tantum sanctum præbente cruorē:
 Inde caro verbum efficitur: quiq; imperat ipso
 Cum patre in cœlo, materno in corpore seruit.
 Ante æuum de patre, & matre in tēpore natus

*Mariavirgo
 & mater.*

k 2 Seminis